

馬氏文獻通考



鄧

陽

馬

端

臨

貴

與

著

封建考五

春秋列國傳授本末事跡

周

周姬姓公爵國在王畿內扶風雍縣唐改為天興成王封周公於魯周公元子伯禽就封於魯次子留相王室代

為周公 桓公五年鄭伯不朝王以諸侯伐鄭鄭禦之王為中軍號公林父將右軍蔡衛屬焉周公黑肩將左軍

陳人屬焉黑肩即周桓公也 王卒大敗 十八年周公欲弑莊王而立王子克莊王弟 辛伯告王遂與王殺周公黑肩王子

克奔燕初子儀有寵於桓王子儀即周子克 桓王屬諸周公辛伯諫曰並后妾如后 匹嫡庶如嫡 兩政臣擅命 耦國國都如國 亂之本

也周公弗從故及 僖公九年公會齊侯及諸侯盟于葵邱周公宰 王使宰孔賜齊侯胙 二十四年頹叔桃

子率太叔以狄師伐周大敗周師獲周公忌父原伯毛伯富辰 三十年王使周公闕來聘饗有昌歆白黑形鹽

昌歆昌滿茹白然稱鼎然黍形鹽鹽形彘虎 辭曰國君文足昭也武可畏也則有備物之饗以象其德薦五味羞嘉穀鹽虎形以獻其

功吾何以堪之 文公十四年頃王崩周公闕與王孫蘇爭政故不赴周公與王孫蘇訟於晉王叛王孫蘇王臣

而使尹氏與聃啟訟周公於晉趙宣子平王室而復之 成公十一年周公楚惡惠襄之偪也王襄之族 且與伯與

爭政伯與周卿士 不勝怒而出及陽樊王使劉子復之盟於鄆而入三日復出奔晉王既復之而復出所以自絕於周

召

召姬姓伯爵國在王畿內雍縣東南今王屋縣召康公奭受封於燕而食采於召其後世世輔王室 厲王行暴

唐國人謗王召穆公虎諫曰民不堪命矣王怒得衛巫使監謗者以告則殺之國人莫敢言道路以目王告召公曰吾能弭謗矣召公曰是鄭之也防民之口甚於防川川壅而潰傷人必多民亦如之王不聽國人畔襲王王出奔彘太子靜匿召公之家國人圍之召公曰昔吾驟諫王王不從以及此難也今殺王太子王其以我爲讎而懟怒乎乃以其子代王太子太子得脫周公召公二相行政號曰共和十四年厲王死於彘太子靜長於召公家二相共立之是爲宣王宣王卽位命穆公平淮夷告成於王王錫以圭瓚秬鬯一卣錫之土田穆公作常武之詩以美宣王 僖公十一年王使召武公賜晉惠公命 宣公十五年王孫蘇與召氏毛氏爭政使王子捷殺召戴公及毛伯衛卒立召襄召襄之子 成公八年王使召桓公來賜晉公命 昭公二十二年景王崩既葬王子朝因舊官百工之喪職秩者與靈景之族以作亂逐劉子單子王子還與召莊公謀殺單子單子之子 二十六年召伯盈逐王子朝伯盈本王子朝黨 晉師克昭知 王子朝及召氏之族毛伯得尹氏固南宮嘉奉周之典籍以奔楚召伯逆王於尸及劉子單子盟召伯新還故盟 二十九年三月京師人殺召伯盈尹氏固及原伯魯之子皆子朝黨也

### 劉

劉姬姓子爵國在畿內河南緱氏縣西北今緱氏西城舊有劉亭劉子世爲王卿士 宣公十年劉康公報聘於

魯去年王來徵聘孟獻子聘於周也

成公元年晉侯使瑕嘉平戎於王劉康公微戎將遂伐之叔服曰背盟而欺大國必敗不

聽遂伐茅戎敗績於徐吾氏 十一年晉卻至與周爭鄆田王命劉康公單襄公訟諸晉卻至曰溫吾故也故不

敢失劉子單子曰昔周克商使諸侯撫封蘇忿生以溫爲司寇與檀伯達封於河蘇氏卽狄又不能於狄而奔衛

襄王勞文公而賜之溫狐氏陽氏先慮之而後及子若治其故則王官之邑也子安得之晉侯使卻至勿敢爭

十三年劉康公會晉侯及諸侯伐秦成肅公受服於社不敬劉子曰吾聞之民受天地之中以生所謂命也是以

有動作禮義威儀之則以定命也能者養之以福不能者敗以取禍是故君子勤禮小人盡力勤禮莫如致敬盡

力莫如敦篤敦在養神篤在守業國之大事在祀與戎祀有執膳戎有受服神之大事也今成子惰棄其命矣其

不反乎十四年王使劉定公賜齊侯命昭公元年晉趙武楚公子圍會諸侯于號王使劉定公勞趙孟於潁

館於洛納劉子曰美哉禹功明德遠矣微禹吾其魚乎吾與子弁冕端委以治民臨諸侯禹之力也子盍亦績禹

功而大庇民乎對曰老矣罪戾是懼焉能恤遠吾儕偷食朝不謀夕何其長也劉子歸以語王曰諺所謂老將至

而耄及之者其趙孟之謂乎為晉正卿以主諸侯而儕於隸人朝不謀夕棄神人矣神怒民叛何以能久趙孟不

復年矣昭公二十二年初王子朝賓起有寵於景王子朝景王長庶王與賓孟說之賓起欲立之劉獻公之庶

子伯益事單穆公獻公劉伯益惡賓孟之為人劉穆公單伯益也願殺之又惡王子朝之言以為亂願去之好朝有欲夏王田

北山使公卿皆從將殺劉子單子王知劉單不欲立王有心疾乙丑崩於榮錡氏戊辰劉子擊卒無子單子立劉

蚩五月庚辰見王見王遂攻賓起殺之盟羣王子于單氏丁巳葬景王王子朝因舊官百工之喪職秩者與靈景

之族以作亂靈王景王帥郊野餞之甲子周地以逐劉子劉子奔揚單子逆悼王于莊宮以歸王子邲夜取王以如

莊宮王子邲子朝黨不欲使癸亥單子出失王故王子邲與召莊公謀曰不殺單旗不捷遂奉王以追單子及領

大盟而復領周地欲重盟令單子劉殺擊荒以說劉子如劉單子亡奔于平時知邲欲背羣王子追之單子殺還

姑發弱驪廷定稠入子子朝奔京其丙寅伐之車好京人奔山劉子入於王城子朝奔京辛未鞏簡

姑發弱驪廷定稠因戰而殺之子朝奔京死故丙寅伐之車好京人奔山劉子入於王城子朝奔京辛未鞏簡

公敗績於京乙亥甘平公亦敗焉甘平公為子朝所敗單子欲告急於晉以王如平時遂如圍車次於皇出次以劉子

如劉單子使王子處守於王城距子朝城盟百工於平宮鄆辟伐皇大敗子朝司徒醜以王師敗績於前城百工叛

之戎及焦瑕温原之師以納王於王城庚申單子劉龔以王師敗績於郊為子朝之前城人敗陸渾於社前城子

十一月乙酉孟卒不成喪也悼王所以不稱崩已丑敬王即位子猛館于子旅氏周大二十三年四月

子取訾劉子取牆人直人子朝六月壬子月八於尹自京入尹癸未尹圉誘劉劉文公也丙戌

單子從阪道劉子從尹道伐尹單子先至而敗劉子還己丑召伯奭南宮極以成周人戌尹二子周卿庚寅單子

劉子奭齊以王如劉子朝甲午壬子朝入於王城次於左巷韜羅諸莊宮周大尹辛敗劉師於唐丙辰又

敗諸鄆甲子尹辛取西關西關周地丙寅攻劉潰二十六年單子如晉告急劉人敗王城之師於尹氏劉人劉

之徒戊辰王城人劉氏戰于施谷劉氏敗績七月劉子以王出師敗次於渠周王城人焚劉王宿於褚氏晉知驪

趙鞅帥師納王召伯盈逐王子朝子朝奔楚召伯逆王於尸及劉子單子盟癸酉王入于成周定公四年劉文

公會晉及諸侯于召陵謀伐楚也七年周僭駟入於儀栗以叛儀栗周邑單武公劉桓公敗尹氏於窮谷尹氏復黨

也八年劉子伐儀栗伐孟以定王室討儀栗哀公三年初劉氏范氏世為婚姻范氏事劉文公故周與范氏

趙鞅以為討六月周人殺襄弘及定王時劉氏亡亡國

單

單姬姓伯爵國在畿內單伯世為王卿士莊公十四年齊侯以諸侯伐宋以其背北齊齊諸師於周欲崇天子

單姬姓伯爵國在畿內單伯世為王卿士莊公十四年齊侯以諸侯伐宋以其背北齊齊諸師於周欲崇天子

單姬姓伯爵國在畿內單伯世為王卿士莊公十四年齊侯以諸侯伐宋以其背北齊齊諸師於周欲崇天子

順大單子會之取成於宋而邇 文公十四年魯襄仲使告於王請以王寵求叔姬於齊叔姬魯女齊昭公夫人

人執之曰殺其子焉用其母請受而罪之冬單子如齊請子叔姬齊人執之魯特王又執子叔姬 十五年齊

人許單伯請而赦之使致命於魯 成公元年晉侯使瑕嘉平戎於王單襄公如晉拜成 十二年卻至與周爭

鄆田王命劉康公單襄公訟諸晉謂見 十七年單子會晉侯及諸侯之師伐鄭 襄公三年公會單頃公及諸

侯同盟于雞澤 十年王叔陳生與伯輿爭政二子王 晉侯使士匄平王室王使叔氏與伯輿合要要辭王叔氏

不能舉其契王叔奔晉單靖公為卿士以相王室代王 昭公十一年單子會韓宣子于戚視下言徐叔向曰單

子其將死乎朝有著定著定朝內列位會野會散表衣有綳帶有結綳帶會朝之言必聞於表著之位所

以昭事序也視不過結綳之中所以道容貌也言以命之容貌以明之失則有闕今單子為王官伯而命事於會

視不登帶言不過步貌不道容而言不昭矣不道不共不昭不從無守氣矣冬單成公卒景王鑄大錢及無射單

穆公諫不聽 二十二年景王崩劉子單子立王子猛王子朝作亂語見 定公八年單子伐穀城簡城以定王

室討僭廟之亂

### 祭

祭姬姓伯禽周公之後國於畿內在陳留長垣縣今鄭州管城有祭城世為王卿士 穆王將征犬戎祭公謀父

諫曰不可先王耀德不觀兵夫兵戢而時動動則威觀則玩玩則無震章昭曰言武王常求美德故陳其功於是夏而歌先

載戢干戈載櫜弓矢唐固曰我求懿德肆于時夏允王保之章昭曰言武王能保此時夏之美樂章大者曰夏

王之於民也茂正其德而厚其性阜其財求而利其器用明利害之鄉章昭曰以文修之使之務利而辟害懷德

而畏威故能保世以滋大昔我先王世后稷章昭曰謂棄與不密也以服事虞夏及夏之衰也正義曰謂棄稷不

務正義曰言太康棄廢禮官我先王不密用失其官而自竄於戎狄之間不敢怠業時序其德遵修其緒徐廣曰遵一作纂修其訓典

朝夕恪勤守以敦篤奉以忠信奕世載德不忝前人正義曰前人謂后稷也言不密棄世載德不忝后稷及文王武王無不務農事至於文王武王昭前

之光明而加之以慈和事神保民無不欣喜商王帝辛大惡於民庶民不忍訴戴武王以致戎於商牧正義曰討近郊地名

野是故先王非務武也勤恤民隱而除其害也夫先王之制邦內甸服邦外侯服侯衛賓服章昭曰此總言之也

夷蠻要服或翟荒服甸服者祭章昭曰侯服者祀供月祀賓服者享章昭曰供時享要服者貢昭章曰供歲貢荒服者王章昭曰王王事

天子也詩曰莫敢不來王日祭月祀時享歲貢終王先王之順祀也徐廣曰外傳云先王之訓有不祭則修意章昭曰先修志意以自責也有不

祀則修言章昭曰言有不享則修文典法也有不貢則修名章昭曰名謂尊卑職貢之名號令有不王則修德章昭曰遠人不

來之序成而有不至則修刑章昭曰序成謂上五者次序已成有不至則有刑罰也於是有刑不祭伐不祀征不享讓不貢告不王於是有刑

罰之辟有攻伐之兵有征討之備有威讓之命有文告之辭布令陳辭而有不至則增修於德無勤民於遠是以

近無不聽遠無不服今自大畢伯士之終也徐廣曰犬戎氏以其職來王予必以不享征之且觀之兵無乃廢先王之訓而王幾頓乎正義曰幾

音吾聞犬戎樹敦徐廣曰樹一作樹案章昭曰樹立也言犬戎立性敦篤也率舊德而守終純固其有以禦我矣王遂征之得四白狼四白

鹿以歸自是荒服者不至王欲肆其心周行天下將必有車轍馬跡焉祭公謀父作祈招之詩以止王心祈父周

季甲兵之職招其名祭公方諫游行故稱司馬官而其詩曰祈招之愔愔式昭德音思我王度式如玉式如金刑民之力而無醉飽之心

王是以獲沒於祗宮獲沒不見緊試隱公元年祭伯來非王命也釋所以不稱使桓公八年祭公來遂逆王后于紀

王是以獲沒於祗宮獲沒不見緊試隱公元年祭伯來非王命也釋所以不稱使桓公八年祭公來遂逆王后于紀

凡

凡姬姓伯爵周公之後國於畿內在汲郡共縣今衛州共城縣世為王卿士 厲王幽王之時凡伯作板騰叩召  
曼諸詩以刺王 隱公七年戎朝於周發幣於公卿凡伯弗賓冬王使凡伯來聘還戎伐之于莒邱以歸

蘇

蘇其姓未詳子爵周武王時蘇忿生為司寇封於溫為畿內之國地在河內溫縣 幽王時蘇成公與暴辛公共

為卿士為暴公所譖作何人斯 隱公十一年王取鄆劉蕞邶之田于鄭而與鄭人蘇忿生之田溫原緄樊隰郕

橫茅向盟州陘隲懷時蘇氏叛王十二邑 莊公十九年為國邊伯石速詹父子為祝跪作亂因蘇氏桓王嘗蘇

與鄭自此以來遂不和 秋五大夫率子頹以伐王不克出奔溫蘇子率子頹以奔衛衛燕伐周納子頹 僖公十年狄

滅溫蘇子無信也蘇子叛王即狄不能於狄狄人伐之王不救故滅蘇子奔衛 文公十年及蘇子盟于女栗頃

王立故也僖十年狄滅溫今復見王復之 成十一年晉卻至與周爭鄆田王命劉康公單襄公訟諸晉卻至曰溫吾故也故

不敢失言溫即舊邑 劉子單子曰昔周克商使諸侯撫封各撫有其地 蘇忿生以溫為司寇與檀伯達封於河河內俱封蘇

氏即狄又不能於狄而奔衛襄王勞文公而賜之溫狐氏陽氏先處之狐蘇陽處父先食溫也 而後及子若治其故則王官

之邑也子安得之晉侯使卻至勿敢爭

毛

毛姬姓伯爵文王之後封於毛地在畿內成王時為卿士與召公奭伯彤伯畢公衛侯同受顧命立康王自此世

為王卿士 文公元年王使毛伯衛來賜公命 九年毛伯衛來求金襄王崩求金以共葬事 宣公十五年王孫蘇與召

民毛氏爭政使王子捷殺召戴公及毛伯衛 昭公十八年二月乙卯周毛得殺毛伯過得過之族而代之莫弘曰毛

得必亡是昆吾稔之日也侈故之以昆吾伯稔侈惡誅而毛得以濟侈於王都不亡何待 二十六年尹氏

召伯毛伯以王子朝奔楚劉子見右周召劉單祭凡蘇毛皆王畿內之國世爲王卿士先王之時諸侯之有功德

者則入輔王室如成王時召太保芮伯彤伯畢公衛侯毛公爲六卿召畢毛皆兼三公齊侯呂伋爲王虎賁氏後

來如衛鄭二武公亦入爲王卿士皆外諸侯也東遷而後王室微弱號令不能行於畿外春秋之初鄭與號尚迭

爲卿士然爭政怨怒至於交質交惡稱兵構逆王夷師燬而名義蕩然矣其後號爲晉所滅鄭亦不復聽王室之

令齊晉迭伯而列國之所爲奔走後先者知有盟主而已王室之政付之畿內食采邑之小國然溫已叛去其地

入於狄與晉凡祭僅再見於隱桓之間而已後不復聞惟周召劉單世執王室之政柄云

### 徐

徐嬴姓子爵出自柏翳國始封於夏歷殷周國在下邳僮縣今泗州臨淮有徐城 武王崩成王幼周公攝政三

監及徐商奄叛周周公討之殺管蔡武庚踐奄滅監東土及伯禽封於魯而徐戎淮夷復寇東郊伯禽討之作

費誓 穆王西巡守樂而忘歸徐君誕僭稱偃王行仁義除刑爭四方諸侯爭辯者無所質正咸賓祭於徐費玉

帛死生之物於徐庭者三十六國得朱弓赤矢之瑞穆王聞之乃命造父御長驅而歸與楚連謀伐徐偃王失國

走死彭城武原山下 宣王時徐方不庭王命太師皇父程伯休甫總六師以討之 僖公三年徐人取舒舒國

江舒縣時國而不十五年春楚人伐徐徐卽諸夏故也三月齊侯及諸侯盟于牡邱尋葵邱之盟且救徐也孟

穆伯帥師及諸侯之師救徐諸侯次于匡以待之 冬楚敗徐于婁林徐恃救也特齊 十七年春齊人爲徐伐

英氏以報婁林之役也 文公七年徐伐莒 成公七年吳伐巢伐徐楚子重奔命救巢徐 昭公四年楚子會

諸侯于申徐子吳出也以爲貳焉故執諸申 六年徐儀楚聘於楚儀楚徐大夫 楚子執之逃歸懼其叛也使薳洩伐

徐吳救徐敗楚師於房鍾 十二年楚子狩於州來次於潁尾使蕩侯潘子司馬督鬻尹午陵尹善帥師圍徐以

懼吳楚子次於乾溪以爲之援 十六年齊侯伐徐師至於蒲隧徐地徐人行成徐人及邾人莒人會齊侯盟於蒲

隧賂以甲父之鼎叔孫昭子曰諸侯之無伯害哉國害小齊君之無道也興師而伐逮方會之有成而還莫之亢也

亢也無伯也夫 三十年吳子伐徐防山以水之防壑山水以灌徐 己卯滅徐徐子章禹斷其髮自刑攜其夫人以逆吳

子吳子嚭而送之使其邇臣從之遂奔楚楚沈尹戌帥師救徐弗及遂城夷使徐子處之夷城父也 先儒林少穎言

周自文武興於西土而化行於南故西夷最先服而東夷之服爲最後是以武王牧野之戰方與商師決勝負於

行陣之間而西南夷之邦所謂庸蜀羌髳微盧彭濮者已皆供使而成王之卽政天下已太平矣東夷之徐奄猶

興兵以叛也愚按徐雖柏翳之後有國已久而俗流於夷周初一叛於三監流言之時再叛於伯禽撫封之日周

公魯公僅能定之至穆王稍有荒縱違狩之失而偃王者遽爾僭號侈然有朝諸侯有天下之意洎厲王無道宣

王撥亂之始而繹騷於南國者又徐也然則徐於西周之時蓋常常稱亂於東南及東遷之後徐始微弱而東南

之鴟張僭竊北向以爭諸侯者荆楚吳越相繼興矣其後徐益以弱服屬於吳楚之間而卒不得免焉然吳楚個

強於東周衰微之後而徐倔強於西周鼎盛之時則其初本非弱國也

戎

隱公二年公會戎于潛修惠公之好也戎請盟公辭陳留濟陽縣東南有戎城戎請盟秋盟于唐復修戎好也 七年初戎朝

於周發幣於公卿凡伯弗賓冬王使凡伯聘於魯還戎伐之于楚邱以歸 九年北戎侵鄭鄭伯禦之患戎師曰

彼徒我車懼其侵軼我也公子突曰使勇而無剛者嘗寇而速去之則能往無剛不貽退君為三覆以待之吳伏

戎輕而不整貪而無親勝不相讓敗不相救先者見獲必務進進而遇覆必速奔後者不救則無繼矣乃可以逞

從之戎人之前遇覆者奔祝射逐之喪戎師戎前後及中遇三覆皆受敵故曰喪戎師前後擊之盡殪戎師大奔十一月甲寅鄭人大

敗戎師 桓公六年北戎伐齊齊侯使乞師於鄭鄭太子忽帥師救齊六月大敗戎師獲其二帥大良少良甲首

三百以獻於齊於是諸侯之大夫成齊 莊公十八年公追戎于濟西不言其來諱之也戎來使魯魯不知去乃追之故諱不言其來

二十年齊人伐戎 三十年魯公及齊侯遇于魯濟謀山戎也以其病燕故也北齊齊人伐山戎山戎北狄三十

一年齊侯來獻戎捷穀梁傳曰桓內無因國外無從諸侯而越千里之險北伐山戎危之也內無因越山戎左右之國為內則者外無

諸侯者不煩役案國則非之乎晉之也何善乎爾燕周之分子也召康公之孫後貢職不至山戎為之伐矣閔公二年號公

敗犬戎於渭汭犬戎西戎別在中國者 僖公二年號公敗戎於桑田桑田魏地在弘農陝縣 十年齊侯許男伐北戎 十一年揚

拒泉皋伊雒之戎同伐京師入王城焚東門揚拒泉皋皆戎邑及諸雜居伊水之閭者今伊闕北有泉亭 王子帶召之也因以莒位 秦晉

伐戎以救周秋晉侯平戎於王 十二年王以戎難故討王子帶王子帶奔齊 冬齊侯使管夷吾平戎於王使

隰朋平戎於晉平利也前年晉救周伐戎故戎與周晉不和 十三年為戎難故諸侯戌周齊仰孫湫致之 十六年王以戎難告於

齊齊徵諸侯而戌周 二十二年初平王之東遷也辛有適伊川見被髮而祭於野者曰不及百年此其戎乎其

禮先亡矣秋秦晉遷陸渾之戎於伊川九姓之戎居陸渾在秦晉西北二國號而徙之遂去戎號至今為陸渾縣也 三十三年晉及姜戎敗秦師于

殺 文公八年魯公子遂會伊雒之戎盟于暴暴地 十六年楚大饑戎伐其西南至於阜山師於大林又伐其

東南至於陽邱以侵訾枝

或山夷也大林陽邱訾枝皆楚邑也

十七年周甘默敗戎於邲垂乘其飲酒也

默周大夫邲垂周地在河南新城縣北

宣公三年楚子伐陸渾之戎遂至於雒觀兵於周疆定王使王孫滿勞楚子

成公元年晉侯使瑕嘉平戎於王

平文十七年邲垂之役

單襄公如晉拜成劉康公微戎將遂伐之

欲要其無備

叔服曰背盟而欺大國此必敗背盟不祥欺大國

不義將何以勝不聽遂伐茅戎三月癸未敗績於徐吾氏

徐吾氏茅戎之別也

六年晉伯宗夏陽說衛孫良夫寯相鄭人

伊雒之戎陸渾蠻氏侵宋

蠻氏戎別種也河南新縣東南有蠻城

以其辭會也

前年宋辭龜牢之盟

襄公四年無終子嘉父使孟樂如晉

山戎國名孟樂其使臣

因魏莊子納虎豹之皮以請和諸戎

魏莊子

晉侯曰戎狄無親而貪不如伐之魏絳曰諸侯新服陳新

來和將觀於我我德則睦否則攜貳勞師於戎而楚伐陳必不能救是棄陳也諸華必叛戎禽獸也獲戎失華無

乃不可乎和戎有五利焉戎狄薦居貴貨易土土可賈焉一也邊鄙不殽民狎其野穡人成功二也戎狄事晉四

鄰震動諸侯威懷三也以德綏戎師徒不勤甲兵不頓四也鑒於后羿而用德度遠至邇安五也君其圖之

公說使魏絳盟諸戎修民事田以時

五年王使王叔陳生愬戎于晉

戎陵國周室故

晉人執之士魴如京師言

王叔之貳於戎也

王叔反有貳心於戎失奉使之義故晉執之

十四年晉及諸侯會于向將執戎子駒支

戎陵國周室故

范宣子親數諸朝

朝曰來姜戎氏昔秦人迫逐乃祖吾離於瓜州

瓜州地在今敦煌郡敦煌門反

乃祖吾離被苦蓋蒙荆棘以來歸

我先君

蓋苦之別也

我先君惠公有不腆之田

不厚

與女剖分而食之中剖今諸侯之事我寡君不如昔者蓋言語

漏泄則職女之由也

職主

諸朝之事爾無與焉

復得與會事也

與將執女對曰昔秦人負恃其衆貪於土地逐我諸

戎惠公蠲其大德

謂我諸戎是四獄之裔膏也

四獄時方伯姜姓

母是舅棄

創賜我南鄙之田狐狸所

居豺狼所嗅我諸戎除翦其荆棘驅其狐狸豺狼以為先君不侵不叛之臣至於今不貳

不內外叛亦昔文公與秦



子開蠻氏之亂也與蠻子之無質也實信使然丹誘戎蠻子嘉殺之遂取蠻氏既而復立其子禮也河南新城縣東南有蠻城

十七年晉侯使屠蒯如周請有事於雒及三塗屠蒯晉之膳宰以忠諫見進雒水也三塗山名在陸渾南莫弘謂劉子曰客容猛非祭也

其伐戎乎陸渾氏甚睦於楚必是故也君其備之乃警戎備警戎以備戎欲因晉合勢九月丁卯晉荀吳帥師涉自棘津使祭

史先用牲於雒陸渾人弗知師從之庚午遂滅陸渾數之以其貳於楚也陸渾子奔楚其眾奔甘鹿甘鹿周大獲

晉先戎范宣子夢文公攜荀吳而授之陸渾故使穆子帥師獻俘於文宮哀公四年夏楚人既克夷虎夷虎楚

乃謀北方左司馬販申公壽餘葉公諸梁致蔡於負函子楚大夫也此蔡之故地人民致方城之外於繒關

皆楚地曰吳將沂江入郢逆流將奔命焉為一昔之期梁及霍霍當備吳夜結期明日便霍梁霍使不知

皆蠻子單浮餘圍蠻氏蠻氏潰浮餘蠻大夫蠻子赤奔晉陰地陰地河南山北自司馬起豐析與狄戎楚司馬

郢也郡析南有豐鄉皆楚邑發此二邑人及戎執以臨上雒左師軍於堯和堯和山在上雒右師軍於蒼野蒼野在雒縣使謂陰地之命大夫

士蔑命大夫別曰晉楚有盟好惡同之若將不廢寡君之願也不然將通於少習少習商縣武關也將

蔑請於趙孟趙孟曰晉國未寧安能惡於楚必速與之未寧自范士蔑乃致九州之戎士蔑乃致九州之戎九州戎在陸渾者將裂田以與

蠻子而城之以許且將為之下城蠻子聽下遂執之與其五大夫以昇楚師於三戶今丹水縣司馬致邑立宗焉

以誘其遺民楚復許為蠻子而盡俘以歸

狄

莊公三十一年狄伐邢閔公元年狄人伐邢管敬仲言於齊侯曰戎狄豺狼不可厭也諸夏親暱不可棄也宴

安酖毒不可懷也詩云豈不懷歸畏此簡書同惡相恤之謂也請救邢以從簡書齊人救邢二年冬狄人伐衛

衛及狄戰於癸澤衛師敗績遂滅衛此癸澤當在河北狄人囚史華龍滑與禮孔以逐衛人二人曰我太史也實掌其祭

不先國不可得也夷狄畏鬼神乃先之至則告守者曰不可待也守者石祁子甯莊子公與之決與矢夜與國

人出狄入衛遂從之又敗諸河衛將東走渡河宋桓公逆諸河迎衛敗衆宵濟畏狄衛之遺民男女七百有三十人益

之以共滕之民爲五千人共滕衛立戴公以廬於曹曹衛下邑戴公名申齊師戍曹晉侯使太子申生伐東山

皋落氏赤狄別種也皋落其氏族僖公元年春諸侯救邢邢潰出奔師師遂逐狄人具邢器用而遷之師無私焉八年晉

里克帥師梁由靡御號射爲右以敗狄於采桑傳晉前年事也平陽北屈縣西南有采桑津梁由靡曰狄無恥從之必大克不恥走里

克曰懼之而已無速衆狄恐恐深而號射曰期年狄必至示之弱矣夏狄伐晉報采桑之役也復期月明期年之言驗

十年狄滅溫蘇子無信也蘇子叛王即狄又不能於狄狄人伐之王不救故滅蘇子奔衛十三年狄侵衛十

六年狄侵晉取狐廚受鐸涉汾及昆都因晉敗也狐廚受鐸昆都晉三邑平陽臨汾縣西北有孤谷亭汾水出太原南入河時秦敗晉於繆十八年邢人狄

人伐衛圍葵園二十一年狄侵衛爲邢二十四年鄭伐滑王使伯服游孫伯如鄭請滑鄭伯怨王不聽命而

執二子王怒將以狄伐鄭富辰諫不聽使頹叔桃子出狄師夏狄伐鄭取櫟王德狄人將以其女爲后富辰諫曰

不可臣聞之曰報者倦矣施者未厭狄固貪恠王又敗之女德無極婦怨無終狄必爲患王弗聽初甘昭公有寵

於惠后惠后將立之未及而卒昭公奔齊王復之又通於隗氏王替隗氏頹叔桃子曰我實使狄狄其怨我遂奉

太叔以狄師攻王王御士將禦之王曰先后其謂我何寧使諸侯圖之王出及坎飲國人納之秋頹叔桃子

率太叔以狄師伐周大敗周師王出適鄭處於汜太叔以隗氏居於溫二十五年晉侯納王殺太叔二十八

年晉侯作三行以禦狄荀林父將中行屠擊將右行先蔑將左行晉置上中下三軍今復增置天子六軍之名三十年晉人侵

鄭狄聞晉之有鄭虞也夏狄侵齊 三十一年晉蒐于清原作五軍以禦狄二十八年作三行今冬狄圍衛衛

遷于帝邱 三十二年夏狄有亂衛人侵狄狄請平焉秋衛人及狄盟 三十三年狄侵齊因晉喪也晉文狄

伐晉及箕晉侯敗狄于箕卻缺獲白狄子白狄狄則種也故先軫死於狄師文公七年狄侵魯西鄙公使告於

晉趙宣子使因賈季問酈舒且讓之酈舒狄相讓其伐晉時九年狄侵齊 十年狄侵宋 十三年狄侵衛

宣公三年赤狄侵齊 四年赤狄侵齊 六年秋赤狄伐晉圍懷及邢邱邢邱今河晉侯欲伐之中行桓子曰使

疾其民為民所疾以盈其貫將可殪也周書曰殪戎殷此之謂也 七年赤狄侵晉取向陰之禾 八年白狄及晉平

會晉伐秦 十一年晉卻成子求成於眾狄眾狄疾赤狄之役遂服於晉故服役眾狄 秋會于欒圍眾狄服

也是行也諸大夫欲召狄卻成子曰吾聞之非德莫如勤非勤何以求於人能勤有繼其從之也勤則功詩曰文

王既勤止文王猶勤況寡德乎 十三年赤狄伐晉及清先穀召之也召狄欲為變晉人討先穀殺之 十五

年潞子嬰兒之夫人晉景公之姊也酈舒為政而殺之又傷潞子之目酈舒晉侯將伐之諸大夫皆曰不可酈舒

有三雋才德絕異也言有不如待後之人伯宗曰必伐之狄有五罪雋才雖多何補焉不祀一也嗜酒二也棄仲

章而奪黎民地三也仲章潞賢人也黎氏黎侯之國上黨遼縣有黎亭虐我伯姬四也傷其君目五也怙其雋才而不以茂德茲益罪也

後之人或者欲敬奉德義以事神人而申固其命若之何待之不討有罪曰將待後後有辭而討焉毋乃不可乎

夫恃才與眾亡之道也商紂由之故滅也天反時為災地反物為妖民反德為亂亂則妖災生故文

反正為乏盡在狄矣晉侯從之六月癸卯晉荀林父敗赤狄於曲梁辛亥滅潞曲梁今廣平曲梁酈舒奔衛衛人

歸諸晉晉人殺之公羊傳潞何以稱子潞子之為善也躬足以亡爾雖然君子不可不記也離於夷狄夷狄之俗而去

歸諸晉晉人殺之公羊傳潞何以稱子潞子之為善也躬足以亡爾雖然君子不可不記也離於夷狄夷狄之俗而去

之故而未合乎中國未能與中國合同禮義立黎侯而還黎侯復立之地故晉侯賞桓子狄臣千室亦賞士伯以

瓜衍之縣曰吾獲狄土子之功也微子吾夷伯氏矣子伯夷侯將殺桓使趙同獻狄俘於周 十六年晉士會

帥師滅赤狄甲氏及留吁鐸辰甲氏留吁赤狄別種晉既滅焉氏今又盡并其餘黨獻狄俘於王 成公三年晉卻克衛孫良夫伐廣咎如

討赤狄之餘焉晉滅赤狄潞氏其黨散入唐咎如廣咎如潰上失民也九年秦人白狄伐晉諸侯貳故也 十二年狄人聞宋

之盟以侵晉而不設備秋晉人敗狄於交剛 襄公十八年白狄始來白狄狄之別名宋魯與齊接故 二十八

年白狄朝于晉 昭公元年晉中行穆子敗無終及羣狄於太原無終大鹵也崇卒也崇聚將戰魏舒曰彼徒我車

所遇又阨地險不便車以什共車必克更增十人以當一車之用也困諸阨又克去車每困於阨道今請皆卒去車為步卒自我始乃毀車

以為行五乘為三伍乘車者車三人五乘十五人今改荀吳之嬖人不肯即卒斬以徇魏舒輒斬之荀吳為五陳

以相離兩於前伍於後專為右角參為左角偏為前拒皆臨時處以誘之翟人笑之笑其失策未陳而薄之大敗之

十二年晉荀吳偽會齊侯者假道於鮮虞遂入昔陽鮮虞白狄別種在中山新市縣昔陽肥國都樂平治縣東有昔陽城秋八月壬午滅肥以肥子

綿臯歸肥白狄也綿臯其君名鉅晉伐鮮虞因肥之役也 十三年鮮虞人聞晉師之悉起也平邱盟甲而不警

邊且不修備晉荀吳自著雍以上軍侵鮮虞及中人驅衝兢中山望都縣西北有中大獲而歸 十五年晉荀吳

帥師伐鮮虞圍鼓鼓白狄之別鉅鼓人或請以城叛穆子弗許左右曰師徒不勤而可以獲城何故不為穆子

曰吾聞諸叔向曰好惡不愆民知所適事無不濟或以吾城叛吾所甚惡也人以城來吾獨何好為賞所甚惡若

所好何無以復若其弗賞是失信也何以庇民力能則進否則退量力而行吾不可以欲城而邇姦所喪滋多使

鼓人殺叛人而繕守備圍鼓三月鼓人或請降使其民見曰猶有食色姑修而城軍吏曰獲城而弗取勤民而頓